

Segun StimAruba:

Politica di "Laisser Faire" ta funesto pa medio ambiente y ta stroba desaroyo sostenible!

ORANJESTAD (AAN) -- Atraves di un comunicado di prensa, señor Rogelio Croes presidente di StimAruba, ta indica cu na hopi caminda na Aruba por mira e consecuen- cianan di e politica funesto di "laisser faire", cu ta un sorto di "free for all", supues- tamente sin vision y sufi- ciente planificacion estrategico di kico nos kier y nos por den un Aruba di fu- turo.

Pa cuminsa, StimAruba no ta contra ningun proyecto di an- temano. Ta asina si cu, prome cu realiza cualquier (mega) proyecto, ta necesario pa mira e posible consecuen- cianan pa nos naturaleza y medio ambi- ente. Nos mester puntra nos mes tambe si cierto proyecto ta cuadra den un desaroyo sostenible (sustainable devel- opment) pa Aruba. Adem- as lo mester traha minimal- mente un "environmental im- pact study", y si ta necesario un M.E.R.

Den nos concepto e manera di traha aki mester ta algo nor- mal pa awendia, prome cu planea cualquier proyecto.

E articulo aki ta trata dos

proyecto specifico:

MARINA (JACHTHAVEN) NA L.G.SMITH BOULE- VARD:

E proyecto aki ta situa pabao di parke recreativo Nephtali Henriquez y di e beach pub- lico na strand. Anuncio di e proyecto aki a sorprende hopi hende.

Kico construccion di un ma- rina lo trece cune? Na prome instancia no lo ripara mucho, pero despues di tempo segu- ramente e consecuen- cianan lo bay impone nan mes. Aki ta sigui algun punto riba cual mester pensa seriamente:

1) Verfmento di e botonan:

Ora mester verf e botonan (di nobo), con ta bay kita e verf bieu? Ta kita e verf den aire liber riba santo, riba lama of ta bin cu un lugar cera pa esaki? Quimiconan pa haci esaki por contamina grave- mente e beach y lama. Cual sorto di verf ta usa? Verf pa boto no ta algo inocente ya cu e tambe tin e meta pa impedi crecemento di alganan ma-

rino.

2) Mantencion di e motornan:

Zeta bieu, baterianan bieu, partinan di metal gasta y sol- ventenan por forma un menaza serio pa e beach y e calidad di e awa. Con lo anda cu esaki?

3) Tankmento di e botonan:

Polucion di lama hopi biaha ta tuma lugar ora bay tank e boto, a consecuencia di mors- mento. Ki medidanan e ma- rina tin pa evita e problema aki?

4) Pesca:

Unda y con ta bay haci pisca limpi? Na e lugar mes, riba lama of na beach? No lubida, entre otro, cu tin un parke rec- reativo, un beach y un es- tablecimiento comercial como bisiña.

5) Reglamentacion:

E propietario di e marina lo tin regla (estricto) tocante polucion, "waste manage- ment", mantencion, etc., pa doñonan y usadornan di boto?

6) E lugar di e marina:

Ta conoci cu na e lugar ey no tin hopi coriente di lama. Si bay traha pier esaki por tin consecuencia negativo pa e beach publico door cu ey- banda ta bira lodo. E problema aki nos conoce caba banda di e piernan na e hotel- nan grandi.

E motornan lo lanta santo y lodo den lama y ta kita e clari- dad di e awa. Door di yegada di boto, yate, etc., e seguridad di e publico den lama tambe por ta na peligro.

Ademas, e proyecto por stroba esnan cu ta haci uso di

e beach y e parti di santo blanco cu ta keda na ambos banda.

E lugar aki ta ser frecuente pa hopi habitante di barionan den cercania envez di bay te na e beachnan di hotel. Tin les di landamento, hende ta bay pasa un rato ameno na e es- tablecimiento na e beach, hende ta jog, ta sali cu nan animalnan di cas, etc. En fin, ta un area importante di recreo y diversion sano pa hopi hende.

Esaki ta solamente algun punto cu merece tur atencion. Tanten cu no bin claridad riba e proyecto aki y tanten cu no traha un estudio di impacto ambiental, StimAruba no por aproba e proyecto di marina. Den otro articulo por lesa kico StimAruba ta opina di e proyecto dilanti di Ritz na Playa.